

TSHAJ TAWM XOY XWM

Lub Plaub Hlis tim 8, 2020

Tus Neeg Hu Tau Hais Txog Xov Xwm:

[Charles Boyle](#), 503-931-7773

Tus Thawj Tswj Xeev Kate Brown Ncua Lub Sij Hawm Kaw Tsev Kawm Ntawv Kom Mus Txog Rau Thaum Xaus Xyoo Kawm Ntawv

(Portland, OR) — Vim qhov yuav tau siv txoj cai kom sawv daws nyob sib nrug kom deb thaum lub sij hawm muaj tus kab mob sib kis nthuav dav loj no, tshwj xeeb yog kom ua tau raws li nws tsab ntawv tshaj tawm Nyob Twj Ywm Hauv Tsev, Txuag Tau Txoj Sia (Stay Home, Save Lives), hnuv no tus Thawj Tswj Xeev Kate Brown tau tshaj tawm tias nws tau ncua lub sij hawm kaw Oregon cov tsev kawm ntawv rau K-12 thiab theem tsev kawm ntawv qib siab mus kom txog rau thaum xyoo kawm ntawv no xaus. Nws hais kom cov tswj tsev kawm ntawv txhua qhov chaw (school districts), cov tsev kawm ntawv qib siab (community colleges, universities) kom lawv ua kom tiav cov lis piam kawg (weeks) ntawm lub xyoo kawm ntawv uas yog muab kev qhia nyob kev deb thiab muab kev pab txhawb rau cov tub ntxhais kawm ntawv.

“Peb muab Oregon cov tub ntxhais kawm ntawv rau tom hauv ntej ntawm txhua qhov kev txiav txim siab uas peb muaj hais txog txoj kev kawm ntawv,” tus Thawj Tswj Xeev Brown hais li ntawd. “Kev noj qab haus huv, kev zoo siab zoo ntsws, thiab kev kaj huv yog qhov tseem ceeb uas peb yuav tau xub ua. Qhov zoo tshaj plaws uas peb ua tau rau txoj kev noj qab haus huv ntawm peb cov me nyuam, thiab rau ntau txhiab tus ntawm cov kws qhia ntawv thoob plaws lub xeev, yog muab txoj kev muaj tseeb rau txhua tus uas yog txoj kev tshaj tawm txog qhov kev txiav txim siab hnuv no los mus kaw cov chav kawm ntawv kom tas rau xyoo kawm ntawv no. Tsev kawm ntawv, thiab txoj kev kawm, yuav muaj mus ntxiv uas yog siv txoj kev qhia nyob deb.”

Peb lees paub tias kev kaw tsev kawm ntawv muaj kev cuam tshuam loj rau Oregon cov tub ntxhais kawm high school tshwj xeeb yog cov yuav tas rau xyoo no, yog li hnuv no Oregon Fab Saib Xyuas Kev Kawm Ntawv (Department of Education) tau tso tawmib [co cai tshiab](#) los pab rau kom lawv kawm tiav.

Tus Thawj Tswj Xeev cov lus sau cia txhij txhua muaj nyob rau [ntawm no](#).

Saib tus Thawj Tswj Xeev cov lus sib tham nrog rooj xov xwm livestream video nyob rau [ntawm no](#).

###